

清
代
學
者
象
傳

葉衍蘭

葉恭綽

編

清代學者象傳

下

上海書店出版社

圖書在版編目(CIP)數據

清代學者像傳 / 葉衍蘭, 葉恭綽編 黃小泉, 楊鵬繪.
上海: 上海書店出版社, 2001. 5.
ISBN 7-80622-549-8

I. 清... II. ①葉... ②葉... ③黃... ④楊...
III. 中國畫: 人物畫-作品集-中國-現代
IV. J222.7

中國版本圖書館 CIP 數據核字(2001)第 026932 號

清代學者像傳

編著 葉衍蘭 葉恭綽 編

出版 世紀出版集團
上海書店出版社

(福建中路一九三號)

發行 世紀出版集團發行中心

印刷 上海財經大學印刷廠

定價 五十八圓 (上下冊)

2001 年 5 月第一版 2001 年 5 月第一次印刷

ISBN 7-80622-549-8 / K · 69

清代學者象傳

第一集

錢

坫



錢站字獻之號十蘭又號篆秋江南嘉定人辛補先生族姪乾隆三十九年副貢生少穎敏於學無所不窺遊京師朱荀河學士延為上賓客關中畢秋帆中丞所與方子雲洪稚存孫淵如諸人討論訓故輿地之學後官陝西乾州判數權判縣所至有政聲嘗注史記詳於郡縣沿革山川疆域卷帙繁富陝甘松筠公重其品學嘗因卧病公親至榻前問視并索未刻著述先生以史記注付之曰三十年精力盡於此書未幾請養回籍嘉慶十一年卒年六十有三先生詩古文辭俱工尤精小學善分篆為海內所珍阮文達公刊積古齋款識本銘文皆先生手摹蒼勁無匹晚年右體偏枯以左手作篆彌形古趣所著除史記補注外有詩音表車制考各一卷論語後錄五卷十經文字通正書十四卷新輯注地理志十六卷

清代學者象傳

第一集

汪中



清代學者象傳 第二集 汪 中

二八〇

汪中字容甫一字頌父江南江都人少孤貧冬夜藉薪而卧旦供爨給以養親母鄉太孺人授小學四子書籍長日往書肆中藩閑經史百家觸目即成誦弱冠補諸生朱笥河先生督學皖中禮為上客杭堇甫沈叔國王蘭泉錢竹汀諸先輩爭延譽之乾隆四十二年謝侍郎庸督學江蘇還充拔貢生每試別置一榜署名諸生前謂所取士曰予之先容甫以爵也若以學則予當北面事之矣先生以母老不赴朝考絕意仕進朱文正公典試江南語人曰此行必得汪某為首選不知其不與試也公旋督學浙江先生遊浙公招致之問及揚州文獻作廣陵對三千餘言文極奇偉畢秋帆先生開府湖北禮之入幕屬撰琴臺銘黃鶴樓記甫脫稿遠近傳抄已徧先生治經尊漢學謂國朝諸儒崛起接二千餘年墜緒若顧亭林閻百詩梅定九胡舳明惠定宇戴東原皆足繼往開來擬作六儒頌未果好金石碑版嘗得漢石闕孔子見老子畫像因署其堂曰問禮又得定武蘭亭五字不損本珍惜備至性伉直不信佛老尤惡淫祀見人祠禱輒罵之聞者掩耳走於時彥不輕許可有負盛名者必譏彈其失人規之則曰或且求吾罵而不得耳為諸生時肄業安定書院每山長王即挾徑史疑難數事請質不能對則大笑沈編脩志祖為其所窘數日即卒業共目為狂生時名流僑寓揚州者甚眾皆以淹博馳譽海內先生於眾中語曰揚州一府通者三人不通者三人通者王念孫劉台拱與中不通者程晉芳任大椿顧九苞也適有薦紳里居者戚服詣先生兼乞鍼砭先生不言曰汝不在不通之列其人喜過望先生徐言曰汝再讀書三十年或可以望不通矣其談諧類如此然不沒人之善見一文一詩之美必贊不容口性至孝家無瓶石儲而瀕瀕必潔侍母疾晝夜不交睫廁牕皆親滌焉為父及詩格度皆謹飭過甚雅存先生嘗詢之先生曰一世皆欲教中倘筆墨更不謹則墮諸人術中矣五十九年校四庫全書於浙江文瀾閣疾終西湖葛嶺僧舍年五十有一所著有述學內外篇六卷廣陵通典三十卷經義知新記一卷六戴禮記正義一卷周官徵文左氏春秋釋疑等各若干卷又選屈宋以下象豔之文為傷心集若干卷

清儒學者象傳

第一集

楊芳燦




清代學者家傳 第一集 楊芳燦

二八二

楊芳燦字才升，鄉崇德江蘇全匱人。誕時母顧太夫人夢五色雀集庭樹，生七月而能言，嘗於穎悟絕倫詩。父出語即華，年十九補縣學生，冠其曹鄉試。罷歸時，彭文勤公典江南試，即嘗江蘇學政，一見大異之。以主試時失之為悔也。父勤敏學使，事將受代，先生方居父憂，召至報談，問及家世，遂以兄女妻其弟。按乾隆四十年選拔貢生。廷得如縣分發甘肅署西河漢縣補伏羌縣同知，田五為亂，起石峰堡伏羌回民馬稱驥應之。未發先生先期募鄉勇為防守，會回中有馬映龍者稱驥甥也。先生以計招之，映龍感服，率其黨白中璋馬宏元來以稱驥之謀告先生，立備稱驥及同謀三人斬之，方請兵而賊已至。先生率映龍中璋宏元偕鄉勇登陴固守。五日夜兵未與賊比，日戰圍始解。又嘗脫賊黨李五於獄使之越賊中，迎官兵言賊狀，李五竟得銀牌遂居恆治縣。溫君不勝任坐堂訊事，罷即手一編就几讀人皆笑之。而雁庾教法人莫能測，初蘇四十三之亂，獄詞連伏羌人，大恐先生請於提刑得未減及石峰堡事平，賊首張文慶子泰憾映龍洩其謀，曰映龍固與吾父通，其助守城歟。於五日後獻城也。阿文成公速映龍至，靜甯先生與偕往，言於文成曰：映龍欲獻城，曷為以其謀告且伏羌無兵，鄉勇皆烏合，眾亦無倭。五日後力治竭文成悟，立出之獄。先生以軍功擢知靈州，嘗單騎諭散奪米飢民，請借口糧設粥廠以安眾，不更奇其才。先生願不樂為外吏，遂入資為員外郎，居戶部，與纂脩會典公餘擁書徵讀，益務記覽，為詞章詩出入義山昌谷間而自成，其體工儼文驚才絕艷，世謂盈川復生。守伏羌時，王蘭泉先生統師長武嘉其律節賦詩飛達，圍城先生立和之，并上伏羌紀事百韻，其整暇如此。父母憂負其書歸，主衡州杭州闕中書院數年，入蜀脩四川通志，主錦江書院嘉慶三十年冬省弟英燦於安縣，以疾卒於署中。年六十有三，所著有芙蓉山館文集吟翠軒初稿真率齋集各若干卷。

清儒學者象傳
第二集
黃 易



黃易字小松號秋盦浙江錢塘人由太學生官山東運河同知父松石先生名樹穀工詩文精隸書嘗客張文敏公家博通金石先生少穎悟仰承家學故詩古文辭而外金石攷據之學尤精嘉定錢氏青浦王氏興翁氏陽湖孫氏儀徵阮氏所著金石文字皆與商榷論定收藏碑版甚富遊蹤宦蹟所至披荆斬棘剔穴搜巖不憚勞瘁手自摹拓皆攷論精確悉有根據又得漢石經遺字一冊珍藏備王官濟甯凡嘉祥金鄉魚臺間漢碑悉搜出之而武梁祠堂畫像尤多所藏漢石經及范式三公山諸碑皆雙鉤鈐版以行於世善畫山水筆意簡淡超逸絕倫間作墨梅饒有古致嘗自畫紀遊冊十六幀傳寫其隨地所得碑刻每幅皆自紀緣起又有覃溪先生為之攷證用小楷書於冊後寔為精妙工分隸書筆意沈著脫盡庸人窠臼精篆刻上追秦漢古勁秀逸無美不臻與小鈇丁璽鐵生蔣山堂齊名稱杭郡四名家嘉慶七年卒於任所年五十有九所著有小蓬萊閣詩鈔又金石文字等書各若干卷

清代學者象傳
第一集
趙希璜



趙希潢字渭川廣東長甯人少讀書羅浮山中啞啞雲烟灑淪肌骨所為詩絕無塵俗氣當諸生才名噴甚乾隆三十九年以副貢生肄業成均四十四年舉順天鄉試居京師所交皆一時名士與吳穀人洪稚存張船山黃仲則法梧門諸先生交讌詩歌酬唱無虛日旋出為河南安陽令卓著循聲調署濟源令濟源富山水王屋山在其境先生襟抱往遊取太白飛步登雲車之內為雲車飛步圖當時名流題詠殆徧一時有仙吏之目詩文皆倣逸峭拔有真性情含蓄於中馮魚山先生稱其羅浮詩羽化不可期行已天際二語甚高謂非煙火人所能道生平篤於友誼與仲則先生交窳密先生歿為刻其遺集行世服官未久遂引疾歸年六十餘以病卒於家著有四百三十二峯草堂詩集斫樵齋文集各若干卷



詹應甲字鱗飛，涇湖亭江蘇吳縣人。原安徽婺源籍。少負雋才，髫齡即工韻語，補諸生。父名噪甚，乾隆庚子甲辰。

高宗南巡，兩次獻詩賦，蒙

召試，賞給舉人，并拜文綺之

賜，因以賜綺名其堂。屢上春官，不過乃徧遊燕齊晉豫間，為諸侯賓客。

所至爭延攬之，無何試令湖北，攝天門篆治水，有成績，補恩施令。恩施地僻而道險，先生沒嫌奴策，羸馬連蹇，萬山中登臨歌嘯，偃仰自如，未幾移疾去。養病里閭，閑謝客典及門諸子，編其生平所作詩古文詞先後付鏤，年八十餘卒。先生負經濟才，百家之書無不流覽，所為詩跌宕奇肆，才筆縱橫，少時喜為緣情綺靡之詞，著有獨蒹詩鈔、王鐵夫先生為之敘、又庸底詩一卷、詞餘一卷、皆歌樓投贈之什。桐陰小錄一卷為其叔人姚馨兒作。晚歲深悔少年綺語，悉燬其版。古文洋洋灑灑，學有根底，卓然成一家之言，性通脫，簡略介然，無所苟平，居急朋友信然諾，遠次不渝。鐵夫先生目為振奇人，鮑覺生先生序其集云：昔之才子今也，循吏良非虛譽，著有賜綺堂集三十八卷。

清代理學耆象傳

第一集

趙懷玉



趙懷玉字億孫一字味辛晚號收庵江蘇武進人齒齡穎悟絕倫未弱冠應試白門有金陵懷古之作學使者知其能詩試以古今體拔筆立就乾隆四十五年

高宗南巡先生年十九進獻詩冊蒙

召試一等

特賜舉人授內閣中書官京師時典程魚門童鶴階同寓所交皆海內名流唱和無

虛日未幾出為山東登州府同知轉宜秦中晚歲忽嬰風痺之疾養病家居年已七十尋病卒先生詩古文詞俱工於學無所不窺少與同里孫淵和洪稚存黃仲則齊名稱孫洪黃趙時毘陵詞流競爽多鴻麗跌宕之才先生獨以淵雅見所為詩不求形似一家而能具諸家之長平生篤於友誼與稚存先生交最善稚存以言事獲罪就逮東華門外僚僕藉藁坐先生往見之大哭投地不能起稚存笑曰味辛今見稚存死耶何悲也時人並高之所著有亦有生齋詩文詞集共五十九卷